



Broj: 07-11-542/25
Vogošća, 11.06.2025. godine

Na osnovu člana 70. i člana 100. stav 3. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), a nakon zaprimanja Žalbe ponuđača "Ezio inox" d.o.o. Ilijaš od 04.06.2025. godine, Općinski načelnik dana 11.06.2025. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU KANTI ZA ODVOJENO
PRIKUPLJANJE OTPADA**

Član 1.

Ponuda ponuđača "Ezio inox" d.o.o. Ilijaš, ulica Luka Donja 55/C Ilijaš, odabrana je za nabavku kanti za odvojeno prikupljanje otpada, kao prvoplasirana na Rang listi, sa ponuđenom ukupnom cijenom nabavke u iznosu od 46.900,00 KM bez uračunatog PDV-a, odnosno 54.873,00 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za nabavku kanti za odvojeno prikupljanje otpada broj: 07-11-542/25 od 27.05.2025. godine.

Član 3.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 21.04.2025. godine donio Odluku o pokretanju Otvorenog postupka nabavke kanti za odvojeno prikupljanje otpada, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 22.04.2025. godine pod brojem: 1353-1-1-54-3-69/25.

Sažetak Obavještenja o nabavci objavljen je u "Službenom glasniku BiH" broj: 24/25 od 25.04.2025. godine.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 15.05.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 15.05.2025. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-542/25 iz aprila 2025. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ezio inox" d.o.o. Ilijaš	64.985,90	/	/	76.033,50
2	"T&A auto" d.o.o. Visoko	64.985,90	/	/	76.033,50
3	"Faro" d.o.o. Zenica	64.985,90	/	/	76.033,50
4	"Glovis" d.o.o. Zenica	64.985,90	/	/	76.033,50
5	"Gradatin" d.o.o. Posušje	64.985,90	/	/	76.033,50

Nakon provedene Zakonom propisane procedure, dana 27.05.2025. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-542/25, kojom je kao prvoplasiranu ponudu sa Rang liste u Otvorenom postupku nabavke kanti za odvojeno prikupljanje otpada odabrala ponudu ponuđača "Glovis" d.o.o. Zenica, sa ponuđenom ukupnom cijenom nabavke u iznosu od 46.900,00 KM bez uračunatog PDV-a.

Na predmetnu Odluku izjavljena je žalba od strane ponuđača "Ezio inox" d.o.o. Ilijaš dana 04.06.2025. godine.

Razmatrajući izjavljenu Žalbu Komisija za javne nabavke je konstatovala da je ista dopuštena, blagovremena, uredna, izjavljena od ovlaštene osobe i od lica koje ima aktivnu legitimaciju.

Detaljnim uvidom u žalbene navode žalitelja "Ezio inox" d.o.o. Ilijaš Komisija za javne nabavke iste je smatrala opravdanim iz sljedećeg razloga:

Komisija za javne nabavke Općine Vogošća je nakon zaprimanja žalbe od strane ponuđača "Ezio inox" d.o.o. Ilijaš izvršila ponovnu evaluaciju svih prispjelih ponuda u otvorenom postupku nabavke kanti za odvojeno prikupljanje otpada, nakon čega je utvrđeno da je žalbeni navod ponuđača "Ezio inox" d.o.o. Ilijaš osnovan.

Naime, tačkom 7.4.1.TD zahtjevano je da je ponuđač u posljednje 3 (tri) godina računajući od dana podnošenja ponude, kao dobavljač realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku (nabavka kanti) u ukupnom iznosu od 65.000,00 KM bez uračunatog PDV-a ili više pojedinačnih ugovora u ukupnom zbiru od 65.000,00 KM bez uračunatog PDV-a.

Kao dokazi tačkom 7.4.2.TD su propisani spisak izvršenih ugovora u ukupnom iznosu od 65.000,00 KM bez uračunatog PDV-a u posljednje 3 (tri) godine, računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponovnim uvidom u dostavljene Potvrde o uredno izvršenim ugovorima ponuđača "Glovis" d.o.o. Zenica (strana 35-40 Ponude) kao i uvidom u akt Ponuđača Pojašnjenje dostavljenih

potvrda o uredno izvršenim ugovorima broj: 15-05/2025 od 23.05.2025. godine, Komisija za javne nabavke je konstatovala da ponuđač "Glovis" d.o.o. Zenica nije ispunio traženi uslov propisan tačkom 7.4.1.TD da je kao ponuđač u posljednje 3 (tri) godina računajući od dana podnošenja ponude, kao dobavljač realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku (**nabavka kanti**) u ukupnom iznosu od 65.000,00 KM bez uračunatog PDV-a ili više pojedinačnih ugovora u ukupnom zbiru od 65.000,00 KM bez uračunatog PDV-a.

Kao što je to navedeno u Žalbi žalitelja "Ezio inox" d.o.o. Ilijaš, ukupan iznos realizovanih ugovora koji se odnosi na predmet nabavke iznosi 51.050,58 KM bez uračunatog PDV-a i isti je manji od zahtjevanog iznosa propisanog tačkom 7.4.1.TD.

Shodno gore iznesenom, uz uvažavanje navoda iz Žalbe žalitelja "Ezio inox" d.o.o. Ilijaš, a postupajući po navedenim utvrđenim činjenicama predmetnog slučaja, Komisija za javne nabavke je predmetni navod Žalioca smatrala **osnovanim**, te je sljedom toga Ponuda ponuđača "Glovis" d.o.o. Zenica nepravilna i kao takva nije prihvatljiva za ugovorni organ, a sve u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24).

Detaljnim postupkom pregleda i ocjene ponuda, Komisija za javne nabavke je utvrdila da ponude ponuđača:

- "Ezio inox" d.o.o. Ilijaš,
- "T&A auto" d.o.o. Visoko,
- "Faro" d.o.o. Zenica i
- "Gradatin" d.o.o. Posušje

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Na osnovu prethodno utvrđenih činjenica, Općina Vogošća kao ugovorni organ je dana 05.06.2025. godine na Portalu javnih nabavki BiH (www.ejn.gov.ba) u skladu sa članom 9. stav 5. Pravilnika o uslovima i načinu korištenja E-aukcije ("Službeni glasnik BiH" broj: 80/23) izvršila poništenje održane E-aukcije od 26.05.2025. godine uz zakazivanje novog postupka E-aukcije.

E-aukcija je bila zakazana za 10.06.2025. godine u 09:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 10.06.2025. godine, Komisija za javne nabavke je sačinila sljedeću Rang listu u Otvorenom postupku nabavke kanti za odvojeno prikupljanje otpada kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ezio inox" d.o.o. Ilijaš	46.900,00	54.873,00
2	"Faro" d.o.o. Zenica	46.950,00	54.931,50
3	"Gradatin" d.o.o. Posušje	51.250,00	59.962,50
4	"T&A auto" d.o.o. Visoko	64.750,00	75.757,50

Iz navedenih razloga, uz uvažavanje argumenata iz Žalbe ponuđača "Ezio inox" d.o.o. Ilijaš od 04.06.2025. godine, a primjenom člana 64. stav 1. tačka b) i člana 100. stav 3. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da stavi van snage Odluku o izboru najpovoljnijeg ponuđača broj: 07-11-542/25 od 27.05.2025. godine i da shodno utvrđenoj Rang listi nakon održane E-aukcije od 10.06.2025. godine donese Odluku o izboru najpovoljnijeg ponuđača "Ezio inox" d.o.o. Ilijaš, za nabavku kanti za odvojeno prikupljanje otpada, kao prvoplasiranom na Rang listi, sa ponuđenom ukupnom cijenom nabavke u iznosu od 46.900,00 KM bez uračunatog PDV-a, odnosno 54.873,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Kontrolisala: Deina Sarač



Dostavljeno:

1. "Ezio inox" d.o.o. Ilijaš
2. "T&A auto" d.o.o. Visoko
3. "Faro" d.o.o. Zenica
4. "Glovis" d.o.o. Zenica
5. "Gradatin" d.o.o. Posušje
6. Nadležnoj Službi
7. U dosije
8. a/a

garden.semına@gmail.com
taautovisoko@gmail.com
farozenica@bih.net.ba
info@glovis.ba
prodaja@gradatin.com.ba